

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTON**

Broj: T04 0 KT 0059167 24

Zenica, 28.11.2025. godine

OPĆINSKOM SUDU U ZAVIDOVIĆIMA

-Sudiji za prethodno saslušanje-

ZAVIDOVIĆI

Na osnovu člana 45. stav 2. tačke i), člana 241. stav 1. Zakona o krivičnom postupku Federacije Bosne i Hercegovine ("Službene novine Federacije Bosne i Hercegovine", broj: 35/03, 37/03 ... 74/20, u daljem tekstu "ZKP F BiH"), podižem

O P T U Ž N I C U

Protiv:

E. L., osuđivan,

što je:

1. dana 01.02.2024. godine, prije 17:00 sati, u Z., u ulici K., suprotno odredbama člana 4. stav 1. i člana 19. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06), svjestan da je prodaja opojne droge zabranjena zakonom, što je i htio, pa je navedenog dana za iznos od 20,00 KM licu B. H. neovlašteno prodao jednu pvc. vrećicu sa sadržajem svijetlo – žute materije neto mase 0,898 grama za koju je vještačenjem utvrđeno da sadrži psihotropnu komponentu „*amfetamin*“, odnosno predstavlja opojnu drogu koja se, kao takva, nalazi na Listi opojnih droga, psihotropnih tvari, biljaka iz kojih se može dobiti opojna droga i prekursora¹ i to u Tabeli II (Tvari i biljke pod strogim nadzorom) pod rednim brojem 1. Popisa psihotropnih tvari, a koju drogu je istoga dana oko 17:00 sati predao B. H. ovlaštenim službenim licima ... prilikom zaustavljanja i kontrole u ulici Z. u Z., a o tome mu izdata potvrda o privremenom oduzimanju predmeta,
2. dana 20.03.2024. godine, oko 22:00 sati, u Z., u ul. G., suprotno odredbama člana 4. stav 1. i člana 19. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06), svjestan da je prodaja opojne droge zabranjena zakonom, što je i htio, pa je navedenog dana za iznos od 70,00 KM licu B. S. neovlašteno prodao jednu cijelu i jednu polovinu tablete žute boje ukupne neto mase 0,933 grama za koje tablete, odnosno materiju za koju je vještačenjem utvrđeno da sadrže psihotropnu supstancu „3,4 Metilendioksimetamfetamin-MDMA“, odnosno predstavljaju opojnu drogu poznatiju kao „Ekstazi“ koja se, kao takva, nalazi na Listi opojnih droga, psihotropnih tvari, biljaka iz

¹ („Službeni glasnik BiH“ broj: 8/06, 103/08 i 51/11)

kojih se može dobiti opojna droga i prekursora² i to u Tabeli I „Zabranjene tvari i biljke“ pod rednim brojem 14. Popisa psihotropnih tvari i jedan pvc paketić zataljen sa sve četiri strane sa sadržajem materije blijedo žute boje neto mase 3,173 grama grama za koju je vještačenjem utvrđeno da sadrži psihotropnu komponentu „amfetamin“, odnosno predstavlja opojnu drogu koja se, kao takva, nalazi na Listi opojnih droga, psihotropnih tvari, biljaka iz kojih se može dobiti opojna droga i prekursora³ i to u Tabeli II (Tvari i biljke pod strogim nadzorom) pod rednim brojem 1. Popisa psihotropnih tvari, a koju drogu je istoga dana oko 23:20 sati dobrovoljno predao S. B. ovlaštenim službenim licima PS Z. prilikom kontrole u ulici P. u Z., a o tome mu izdata potvrda o privremenom oduzimanju predmeta,

3. dana 09.04.2024. godine, prije 12:25 sati, u Z., u ulici G., suprotno odredbama člana 4. stav 1. i člana 19. Zakona o sprečavanju i suzbijanju zloupotrebe opojnih droga („Službeni glasnik BiH“, broj: 8/06), iako je bio svjestan da je prodaja opojne droge kao i njeno stavljanje u promet na bilo koji drugi način zabranjeno zakonom, a što je i htio, pa je navedenog dana u zamjenu za igračku konzolu „Play station 2“ sa 20 pripadajućih CD-ova i dva džojstika, licu R. H. neovlašteno predao jednu pvc. vrećicu sa sadržajem praškaste materije neto mase 6,798 grama za koju je vještačenjem utvrđeno da sadrži psihotropnu komponentu „amfetamin“, odnosno predstavlja opojnu drogu koja se, kao takva, nalazi na Listi opojnih droga, psihotropnih tvari, biljaka iz kojih se može dobiti opojna droga i prekursora⁴ i to u Tabeli II (Tvari i biljke pod strogim nadzorom) pod rednim brojem 1. Popisa psihotropnih tvari, zatim jednu sivu tabletu neto mase 0,410 grama, jednu rozu tabletu neto mase 0,420 grama, jednu rozu tabletu 0,411 grama, jednu zelentu tabletu neto mase 0,411 grama i jednu svijetlo smeđu tabletu neto mase 0,420 grama za koje tablete, odnosno materiju je vještačenjem utvrđeno da sadrže psihotropnu supstancu „3,4 Metilendioksimetamfetamin-MDMA“, odnosno predstavljaju opojnu drogu poznatiju kao „Ekstazi“ koja se, kao takva, nalazi na Listi opojnih droga, psihotropnih tvari, biljaka iz kojih se može dobiti opojna droga i prekursora⁵ i to u Tabeli I „Zabranjene tvari i biljke“ pod rednim brojem 14. Popisa psihotropnih tvari, te jednu pvc vrećicu sa sadržajem suhe zeljaste materije zelene boje neto mase 8,252 grama za koju materiju je vještačenjem utvrđeno da sadrži psihoaktivnu komponentu „tetrahidrokanabinol“ (THC), te predstavlja opojnu drogu „cannabis sativa L“, poznatiju kao opojna droga „marihuana“ koja se kao takva nalazi na Listi opojnih droga, psihotropnih tvari, biljaka iz kojih se može dobiti opojna droga i prekursora⁶ i to u Tabeli I (Zabranjene tvari i biljke) pod rednim brojem 13. Popisa opojnih droga, odnosno rednim brojem 26. Popisa psihotropnih tvari, a koju drogu je istoga dana oko 12:25 sati dobrovoljno predao R. H. ovlaštenim službenim licima PS Z. prilikom kontrole u mjestu P. u Z., a o tome mu izdata potvrda o privremenom oduzimanju predmeta,

dakle, neovlašteno prodao opojnu drogu,

čime bi pod tačkama 1. do 3. činjeničnog opisa počinio produženo krivično djelo Neovlaštena proizvodnja i stavljanje u promet opojnih droga iz člana 238. stav 1 Krivičnog zakona Federacije

² Ibid 1.

³ Ibid 1.

⁴ Ibid 1.

⁵ Ibid 1.

⁶ Ibid 1.

Bosne i Hercegovine ("Službene novine Federacije Bosne i Hercegovine", broj: 36/2003, 21/2004, ... , 58/2025), u daljem tekstu "KZ F BiH") u vezi sa članom 55. KZ F BiH.